



02.april 2019

UPA2019/128

Nunatsinni innarluutillit ilinniartitaanikkut suliffeqarnikkullu atugaannik misissuinerup kingusinnerpaamik UPA 2020-mi saqqummiunneqarnissaanik Inatsisartut aalajangiiffigisassaattut siunnersuut. Ilinniarfiusinnaasutut suliffiusinnaasutullu piukkunnaatillit qanoq tapersorsorneqartiginerannik aammalu inunnit pineqartunit inuiaqatigiinnillu pisariaqarneratut atorneqartiginerannik erseqqinnerusumik qulaajaanermik misissuineq imaqassaaq, soorluttaaq misissuineq innarluutillit ilinniartitaanerannut suliffeqarneranullu tunngasumik siunissami ilisimasaqalernissamut qulakkeerinnittumik aalajangiisoqarneranik malitseqartinneqassasoq
(Inatsisartunut ilaasortaqaq Aleqa Hammond, Nunatta Qitornai)

Inuit innarluutillit pisinnaatitaaffii 2006-mi Naalagaaffiit Peqatigiit aalajangersagaat Nunatsinnit 2012-mi atuutilersussasut suaarutigineqarpoq.

Nunatta Qitornaanit ulloq manna tikillugu apeqquertuarsimavarput ilumut Nunarput Innarluutilittatta pisinnaatitaaffii pillugit nalunaarummut atuutilersitsinissamut piareersarluarsimanersoq. Ullumikkut siunnersuuteqartup ilaatigut tunngavilersuuteqarnermini takutippaa innarluutilittatta ilinniartitaanikkut suliffeqarnermullu atukkatigut misissuineramik ujaruineranik. Ilanngullugu Naalakkersuisut akissuteqarnermikkut takutippaat maannamut pineqartumut naatsorsuisoqarsimanngitsoq aammalu suliniarneq aatsaat kommunit peqatigalugit naatsorsuissamaarnerit unnerlugit.

Naalakkersuinikkut innarluutilittatsinnut pisinnaatitaaffiit naammassisinnaassallugit piareersimaffigissallugillu pingaaruteqarluinnartoq Nunatta Qitornaanit isumaqarpugut. Pisinnaatitaaffiit pillugit nalunaarut atuutilersinniaannarlugu atuutilersinneqarsinnaanngilaq, tassami ulloq manna tikillugu pissutsit takutippaat innarluutilittatsinnut atugassiissutit naammassisinnaaqqajangisat amerlaqisut.

Nunaqarfimmiikkaanni rullestolerluni inuusoqarsinnaava, aputeqarujussuartartumi pittorluttuulluni allatuulli inuusoqarsinnaava il il apeqquertepassuit akiuminaatsut qaffakaalersarput. Nunatta Qitornaanit isumaqarpugut innarluutilittatta atugassaanut tunngasut aningaasaliinerit naammaqqajangillat ullumikkut ajornaquteqanngitsumik innarluutilittatsinnut illoqarfigisani nunaqarfigisaniluunniit allatuulli akuunissamut. Ullumikkut innarluuteqartortatsinnut atugassarititaasut pitsanngorsartuarnissaanut sulineq aallunneqassasoq isumaqarpugut aammalu naalakkersuinikkut ilinniartitaanikkut sulisoqarnermilu politikkeqarnermi tamakku erseqqissumik anguniarneqassasutut allassimallutik aningaasaliinikkut aqcutissiunneqartariaqartut, nalunaarusiornerit qimallugit.

Taamatut oqaaseqarluta siunnersuut itigartipparput.